



Inatsisartunut ilaasortaq,  
Sofia Geisler, Inuit Ataqtigiit  
/ Maani

## **Qaleralinniarneq pillugu § 37 naapertorlugu apeqqummut nr 101-imut akissuteqaat**

Ulloq: 28-02-2019  
Suliap normua: 2019-4740  
All. nr.: 10075514

Qaleralinniarneq pillugu inatsisartut suleriaasianni § 37, imm. 1 naapertorlugu Naalakkersuisunut apeqquteqarputit. Apeqqutit suliassaqarfigisannit akineqartussanngorlugit innersuunneqarput.

Postboks 269  
3900 Nuuk  
Oqarasuaat (+299) 34 50 00  
Fax (+299) 34 63 55  
E-mail: apn@nanoq.gl  
www.naalakkersuisut.gl

### **Apeqqu 1:**

**§ 37 13/2019-mi apeqqutigisannut akissuteqarlutik Naalakkersuisut allapput ukiumut 2019-imut pisanik avataasiarluni qaleralinniarnermiit nuussilluni nunamut tulaassassanngortitsineri pisassiissutit nuunneqarnerini akileraarutinit isumaluutinillu akitsuutinit isertitat pitsaanngitsumik sunnerneqassasut Naalakkersuisut nalileraat. Tassalu taamatut iliuuseqarnermi iluanaaruteqartoqannginnissaa naatsorsuutigineqartoq. Allappulli kommuninut attuumassuteqartunut nunami tunisassiorfinni sulisoqarnerulerpat, kommuninut qularnanngitsumik toqqaanngitsumik iluanaarutaassaaq.**

- **Qalerallit tonsit qasserpiat avataasiarluni qaleralittassaniit nunamut tulaassanngortinneqarpat?**

Akissut: Nalinginnaasumik avataasiarluni qaleralinniarnermi tulaassisussaatitaaneq 25%-uvoq. Tamanna pissuteqarpoq avataasiortunut pisassiissutit annertunerusut kalaallit nunami suliffissuarni sulisoqarnerunermik pilersitsinissaat Naalakkersuisut kissaatigiuarmassuk. Kitaani qaleralittassiissutit siusinnerusukku qaffaavigineqarnerini tassa suliffissuarni sulineq pilersinniarlugu pisassiissutinik tulaassisussaatitaanermik 100 %-inut qaffallugu tunniunnarlugit Naalakkersuisut toqqarpaat. 2019-imi pisassiissutit qaffaqinneranni periusissiaq aamma taanna toqqarneqarneqarpoq. Avataani qaleralinnut pisassiissut 2.035 tonsinik qaffappoq, taakkunanga qalerallit 1.500 tonsit 100 %-imik tulaassassanngortinneqarput.

Tassani pineqanngilaq, pisassiissutit tulaassassaatitaanngitsut tulaassassanngortitaasunngorlugit tiguneqartut. Nunami suliffiit pilersinniarlugit pisassiissutinik qaffaaneq 100 %-imik tulaassassanngortinniarlugu Naalakkersuisut toqqarpaat.

### **Apeqqu 2.**

**Avataasiarluni qaleralittassanik nunamut tulaatassanngortinneqartunik aalisartussatut aalisartitseqatigiiffiit sorliit pisassanik tunineqarpat?**

Akissut: Royal Greenlandip qalerallit 100 %-imik tulaassassaatitaasut pissarsiarai imatut iliorluni: Avannaata Imaani (Baffinbugten) 750 tonsit Kangaatsiami Qasigianguaniluunniit 100%-imik tulaassassaatitaasut aamma Ikarsuaq Davisimi (Davisstrædet) Paamiuni 100%-imik tulaassassaatitaasut.

### **Apeqquut 3**

#### **Avataasiorluni qalerallitassanik nunamut tulaatassanngortinneqartunik pisassanik agguaassinermi suut tunngavigneqarpat?**

Akissut: Nunarput tamakkerlugu suliffissanik ineriartornermillu pilersitsinissaq Naalakkersuisut politikkerivaat, taamaattumillu immikkoortuni aalajangersimasuni ineriartornerup qulakkeerneqarnissaa kissaatigaarput. Taamaattumik Paamiuni, Kangaatsiami Qasigianguanilu suliffinnik pilersitsiniarluni qalerallinnut pisassiissutit qaffanneqartut ilai 100%-imik tulaassassanngortinneqassasut Naalakkersuisut aalajangerput. Soorlu 1-imi taaneqartoq, pisassiissutinik nuussisoqanngilaq tiguisoqaraniluunniit, kisiannili akerialnik pisassiissutinik qaffaaneq atorneqarpoq, nunami ineriartorneq suliffissaqarnerlu pilersinniarlugit.

### **Apeqquut 4:**

#### **Avataasiorluni qalerallitassat nunamut tulaatassanngortinneqartut eqqarsaatigalugit aningaasat qasserpiaat akileraarutitut akitsuutitigullu Nunatta Karsiata annaassavai?**

Akissut: Akissutitut 1-mut 2-mullu innersuussisoqarpoq. Kalaallit Nunaanni suliareqqitassatut tulaanneqartut, kilisaatini avataasiortunit pingaarnertut toqqaanartumik avammut nioqqutisarineqartunit, avataasiortunut qalerallitassiissutit 100 tonsiugaangata isumalluutitik atuinermut akitsuutitut akileraarutinillu 0,4 – 0,5 mio kr-nit akornanni isertitarineqartussat ataatsimut katillugit pisortanit annaaneqartut missingerneqarsinnaapput. Isumalluutitik atuinermut akitsuutitut annaasat nunatta karsia sunnuteqarfiggissavaat, akileraarutinilli isertitanut annaasat nunatta karsiata kommunillu akornanni agguarneqassapput. Pingaaruteqarpoq erseqqissaavigissallugu missingerneq suineq nalorninartulerujussuarmut attuumassuteqarmat. Taamaalluni aamma qularnarpog, suliffissuit ataasiakkaat pisassiissutit amerlassusiisa tigusissaannut suliarinissaannullu sulisunik amerlanerusunik atorfinitsitsinissamut qanoq annertutigisumik pisariaqariaqartitsissanersut.

### **Apeqquut 5**

#### **Avataasiorluni qalerallitassat nunamut tulaatassanngortinneqarneranni kommune angaasanik qassiarpiamik iluaquserneqassappat?**

Akissut: 1, 2 amma 4 innersuunneqarput.

Inussiarnersumik inuulluaqqusillunga



Nikkulaat Jeremiassen

Aalsarnermut, Piniarnermut Nunalerinermullu Naalakkersuisoq



15. februar 2019

Inatsisartut Suleriaasianni § 37 imm. 1 naapertorlugu Naalackersuisunut apeqquq imaattoq matumuuna saqqummiuppara.

### **Naalackersuisunut apeqquq:**

- 1. § 37 13/2019-mi apeqquutigisannut akissuteqarlutik Naalackersuisut allapput ukiumut 2019-imut pisanik avataasiorluni qaleralinniarnermiit nuussilluni nunamut tulaassassangortitsinermi pisassiissutit nuunneqarnerini akileraarutinit isumalluutinillu akitsuutinit isertitat pitsaanngitsumik sunnerneqassasut Naalackersuisut nalileraat. Tassalu taamatut iliuuseqarnermi iluanaaruteqartoqannginnissaa naatsorsuutigineqartoq. Allappulli kommuninut attuumassuteqartunut nunami tunisassioffinni sulisoqarnerulerpat, kommuninut qularnanngitsumik toqqaannanngitsumik iluanaarutaassaaq.**
  - Qalerallit tonsit qasserpiaat avataasiorluni qaleralittassaniit nunamut tulaassanngortinneqarpat?**
- 2. Avataasiorluni qaleralittassanik nunamut tulaatassanngortinneqartunik aalisartussatut aalisartitseqatigiiffiit sorliit pisassanik tunineqarpat?**
- 3. Avataasiorluni qaleralittassanik nunamut tulaatassanngortinneqartunik pisassanik agguassinermi suut tunngavigineqarpat?**
- 4. Avataasiorluni qaleralittassat nunamut tulaatassanngortinneqartut eqqarsaatigalugit aningaasat qasserpiaat akileraarutitut akitsuutitigullu Nunatta Karsiata annaassavai?**
- 5. Avataasiorluni qaleralittassat nunamut tulaatassanngortinneqarneranni kommunet angaasanik qassiarpianik iluaquserneqassappat?**

(Inatsisartunut ilaasortaq Sofia Geisler, Inuit Ataqatigiit)

### **Tunngavilersuut:**

§37 – 13/2019 apeqquutigisannut qulaani apeqquutigisakka malitseqartitsinerupput.

Kissaatigivara apeqquutikka ullut suliffiusut qulit qaangiutinnginneranni akineqarnissaat.